

Allah je zaštitnik onih koji vjeruju i On ih izvodi iz tmina na svjetlo, a onima koji ne vjeruju - zaštitnici su taguti oni ih odvođe sa svjetla na tmine; oni će biti stanovnici džehennema, oni će u njemu vječno ostati. (El-Bakara, 257)

Islamski Magazin za sestre

Muslimah

Izdvajamo:

Na tebi je obaveza da naučiš Allahovu vjeru

Sva vrijedna roba je la ilahe illallah

Dobrota prema djeci

Novom djetom do vrhunskih rezultata

Šminka uspješne žene II dio



Sadržaj

<i>Na tebi je obaveza da naučiš Allahovu vjeru.....</i>	<i>3</i>
<i>Suština širkā: najgore poređenje</i>	<i>4</i>
<i>Novom djetom do vrhunskih rezultata</i>	<i>5</i>
<i>Frizerka Faraonove kćerke</i>	<i>6</i>
<i>Šminka uspješne žene II dio</i>	<i>7</i>
<i>Važnost čitanja djeci I dio</i>	<i>9</i>
<i>Učimo Kur'an po tedžvidu</i>	<i>10</i>
<i>Strpljivost beduinke kojoj je led uništio usjev</i>	<i>11</i>
<i>Brod ne plovi po suhom</i>	<i>13</i>
<i>Nastupanje Sudnjeg dana</i>	<i>15</i>
<i>Dobrota prema djeci</i>	<i>16</i>
<i>Spoj unutrašnje i vanjske ljepote</i>	<i>18</i>
<i>Ona je željna susreta s tobom</i>	<i>19</i>
<i>Budimo od onih koji udjeljuju II dio.....</i>	<i>20</i>
<i>Ko je Ehlul-bejt</i>	<i>22</i>
<i>Recepti: Riblji file.....</i>	<i>23</i>
<i>Reklame</i>	<i>24</i>
<i>U sljedećem broju čitamo.....</i>	<i>26</i>

Redakcija

Ummu Talha

Ummu Amatullah

Ummu Esma

Za ovaj broj pišu:

Ummu Sejfullah

Ummu Esma

Ummu Talha

Ummu Mudžahid

Ummu Zejad

Sestra Ajša

Sestra Adela

Sestra Sehla

Ummu Abdullah



Na tebi je obaveza da naučiš Allahovu vjeru

Znaj da Allah, subhanehu ve teala, nije poslao nijednog poslanika (a svi su oni ispovijedali tevhid), a da ga nije iskušao sa neprijateljima. O tome Uzvišeni veli: **"Tako smo svakom vjerovjesniku neprijatelje određivali, šejtane u vidu ljudi i džinova."** (El-En'am, 112)

Nekada su ti protivnici bili učeni i znani u nekoj oblasti. O tome Uzvišeni kaže: **"Kada su im poslanici njihovi jasne dokaze donosili, oni su se znanjem koje su imali dičili."** (Mu'min, 83)

Pošto si spoznao da na putu prema Allahu, subhanehu ve teala, stoje razni neprijatelji: učeni, retoričari, obrazovani i drugi, sa dokazima koje oni smatraju jakim, a sa kojima pozivaju u nevjerstvo, na tebi je obaveza da naučiš Allahovu vjeru. To će ti poslužiti kao oružje u borbi protiv šejtana. Njihov vođa, neka je na njega Allahovo prokletstvo, je rekao:

"Kunem se da ću ih na Tvom pravom putu presretati." (El-A'raf, 16)

Međutim, ako se istinski predaš Allahu, subhanehu ve teala, i naučiš Njegove dokaze, ne boj se i ne žalosti se, jer On je rekao:

"Zaista su šejtanove spletke slabe." (En-Nisa', 76)

Najnepismeniji vjernik, muvehid, pobijedit će hiljadu učenih mnogobožaca, kao što kaže Uzvišeni: **"I vojska Naša će zacijelo pobijediti!"** (Es-Saffat, 173) Allahova vojska pobjeđuje sa dokazima. Pobjeđuje pri usmenim raspravama kao što pobjeđuje pravim oružjem. Međutim, bojati se za onog vjernika, muvehida, koji je krenuo ovim putem, a ne posjeduje gore spomenuta oružja, jeste realnost.

Muhammed ibn AbdulVehhab "Otklanjanje nejasnoća o tevidu"

Suština širka: najgore poređenje

Širk je izjednačavanje sa Stvoriteljem i uzdizanje drugih stvorenja na Njegov stepen. Ovo je, ustvari, upoređivanje, a ne pripisivanje savršenih svojstava kojima Uzvišeni opisuje Sebe ili kojim Ga opisuje Njegov Poslanik, sallallahu alejhi ve sellem. Oni kojima je Allah srca učinio izopačenim izvrnuli su ovaj poredak. Oni su lišeni unutrašnjeg vida; pojmovi su im izmiješani. Za njih je tevhid tešbih (poređenje Allaha sa stvorenjima), a poređenje veličanje i pokoravanje. Znači, mušrik je onaj koji stvorenjima pripisuje neke Allahove osobine.

Jedna od Allahovih osobina jeste mogućnost donošenja štete, koristi, davanja i oduzimanja. Ove osobine za sobom povlače dovu, strah, nadu i oslanjanje samo na Njega. Ko to dovede u vezu sa nekim stvorenjem taj je to stvorenje stavio na nivo Stvoritelja i učinio onoga ko sebi ne može donijeti nikakvu korist, štetu, smrt, život ili oživljenje boljim od ostalih poredeći ga sa Onim ko o svemu odlučuje. Svi konci su u Njegovim rukama i sve se Njemu vraća. Ono što On želi – bit će, a ono što ne želi – neće biti. Ne može se spriječiti ono što On da, niti se može dati ono što On spriječi. Štaviše, ako On otvori vrata milosti nekom Svome robu, niko je neće zaustaviti; ako je zaustavi, niko mu je neće dati.

Najružnije poređenje je, znači, poređenje ovog nemoćnog, nesposobnog stvorenja sa Moćnim i Snažnim Stvoriteljem.

Od Allahovih osobina je savršenost /kemal/ u svim stvarima i perfekcija u svemu, bez ikakvih nedostataka. Ova osobina obavezuje da se ibadet iskazuje samo Njemu, kao i veličanje, poštovanje, strah, dova, nada, pokajanje, osjećanje, traženje pomoći, maksimalna pokornost uz maksimalnu ljubav. Pamet, Objava i ljudska priroda ukazuju da sve to pripada jedino Allahu i da ne može pripadati nikom drugom. Onaj ko posveti nešto od ovih osjećanja nekom drugom osim Allahu taj je uporedio Onoga kome ništa nije slično i koji nema sudruga. To je najgore poređenje. Zbog ružnoće i krajnje nepravde u ovom postupku, Allah, subhanehu ve teala, nas obavještava da taj postupak neće oprostiti, uprkos tome što je Sebe kao Milostivog opisao.

Ibn Kajjim el-Dževzije, "Bolest i lijek," str. 199

Novom dijetom do vrhunskih rezultata

U narednih nekoliko redaka naći ćete odličan recept za trajno vitku liniju. Svjedoci smo toga da se sve mijenja. Šejtan je pomagao kafirima da okite dunjaluk toliko da mu samo pojedinci, kojima se Allah smilovao, mogu odoljeti. Na svakom čošku možeš nać sve što ti treba da bi zadovoljio svoj nefs. Često nemamo kontrolu nad samim sobom. Želudac, ma koliko ga punio raznom hranom, opet traži još ljepše, kaloričnije, skuplje.... Polako i nesvjesno postajemo "robovi" svom želucu!



Onda opet, ne valja. Od prevelike količine hrane, slatkiša, grickalica, naši stomaci samo rastu. Mi tako lijepe bile, a vidi nas sad! Onda počinje borba sa nefsom, želucem i najtežim protivnikom, nagomilanim kilogramima i masnim naslagama! Sva nam se briga bazira na izgled, i mi nesvjesno postajemo "robovi" svom tijelu.

Dokle ćemo ovako? Zar se ovako mora živjet? Zar se na ovaj način zarađuje Džennet, ja Rabbi?! Ne, sestro moja draga, ovako se ne postiže ništa osim šejtanovog zadovoljstva! On je tako srećan kad vidi da je uspio da te preokupira nečim drugim, a da to nisu Kur'an, sunnet..... Zar ćeš mu dozvoliti? Dokle ćeš mu dozvoljavati?

A rješenje za sve probleme stoji u Kur'anu, pa uči ga subhanallah. Allah, subhanehu ve te'ala, u Kur'anu u suri El-A'raf, ajet 31, kaže:

"Jedite i pijte, ali ne pretjerujte, Allah zaista ne voli one koji pretjeruju."

Ibn Kesir, rahimehullah, navodi: Allah je propisao umjerenost: između onog koji pretjeruje u tom i onoga koji je prestrog u tome.

Razmisli malo, Allah ne voli one koji pretjeruju! Pretjerujemo li? U jelu, piću, izlascima, kupovini... A da smo samo učile malo Kur'an naišle bi na ovaj ajet, i ako bismo samo vidjele njegov zadnji dio shvatile bismo da ne trebamo pretjerivat u jelu, piću.... Onda ovaj problem s kilogramima ne bismo imale! Kako subhanallah da sad sredim to što mi se dogodilo? Kako da smršam i ne pretjerujem, kad mi je želudac navikao na tu količinu hrane, šta ću sad? Uči pa ćeš vidjeti i nema šanse da ne smršas. Učeci naći ćeš puno korisnih stvari za mnoge bolesti srca i tijela, a naći ćeš i ovoj hadis Poslanika, sallallahu 'alejhi ve sellem, koji prenosi Mikdam b. Ma'dikerib, koji kaže da je čuo Vjerovjesnika, sallallahu 'alejhi ve sellem, kako veli: *"Čovjek neće napuniti posudu goru od svog stomaka. Dosta mu je nekoliko zalogaja da ojača svoja leđa, a ako već morade malo više da jede, onda neka trećinu stomaka napuni hranom, drugu vodom, a treću neka ostavi da može nesmetano disati."* (Tirmizi)

Zato mile moje ljepotice, prestanimo se jadat na stanje koje smo same sebi napravile. Počnimo rješavat probleme, a ne samo gomilati ih. Počnimo učiti i lijek nalaziti u našem najvećem blagu koju nam je Allah, dželle ša'nuhu, ostavio, Kur'an i Sunnet Njegovog Poslanika, sallallahu 'alejhi ve sellem. Tako ćemo imat hajr na oba svijeta. Bićemo lijepe, vitke i izdržljive, a što je najvažnije učiti ćemo i za to imat nagradu na ahiretu. Pa što će nam bolje od ovoga?!

Pripremila Ummu Sejfullah

Frizerka Faraonove kćerke

Od Abdullaha b. Abbasa, Allah bio s njim zadovoljan, se prenosi da je Allahov Poslanik, sallallahu alejhi ve sellem, rekao: "Kada sam išao na Mi'radž, osjetio sam posebno lijep i ugodan miris pa sam upitao Džibrila: 'O Džibril, kakav je ovo lijepi i ugodan miris? On mi odgovori: 'Ovo je miris frizerke Faraonove kćerke i njene djece.' Priupitao sam ga: Šta je bilo s njima?' Odgovorio mi je: 'Dok je jednog dana češljala kosu Faraonovoj kćerki, ispao joj je češalj pa je rekla: 'Bismillah' ('U ime Allaha'). Faraonova kćerka je upita: 'Je li to moj otac?'

'Ona joj odgovori: 'Ne, već moj i njegov Stvoritelj – Allah.' Na to je kćerka upitala: 'Mogu li ga obavijestiti o tome?' 'Da,' odgovorila joj je. Kada ga kćerka izvesti o tome, on je pozva i reče joj: 'O, ženo, zar imaš nekog drugog Stvoritelja osim mene?' 'Da, i moj i tvoj Gospodar je Allah,' odgovorila mu je. Tada Faraon naredi da se donese kazan i da se u njemu proključa ulje, te da, zajedno sa svojom djecom, hrabra žena bude bačena u njega. Na to mu ona reče: 'Ja imam jednu potrebu kod tebe.' 'Reci,' odgovori joj on. 'Voljela bih da moje i dječije kosti skupiš zajedno u jednu platu i zajedno ih ukopaš u zemlju.' Reče mu ona. Na to joj faraon odgovori: 'Tvoja želja će biti ispunjena.

Potom naredi da se pred njenim očima bacaju u taj kazan sva njena djeca, jedno za drugim. Tako bijaše, sve dok ne dođe na red njen dječčić kojeg je još dojila, što u njoj izaziva uznemirenost i neku vrstu kolebanja. Dječčić joj reče: 'O majčice! Uđi u kazan, jer patnja na ovome svijetu mnogo je lakša od one na budućem.' Zatim je ušla u taj kazan.'"

Ibn-Abbas kaže: "Četvero dojenčadi je progovorilo: Isa, sin Merjemin; dijete koje su pripisali Džurejdžu; dijete koje je svjedočilo Jusufu; dijete frizerke Faraone kćerke" (Bilježi Ahmed, 3/309)

ŠMINKA USPJEŠNE ŽENE II

Ona je obrazovana:

Kao što je Poslanik, sallallahu alejhi ve sellem, vodio brigu oko podučavanja muškaraca, isto tako je posvetio pažnju oko podučavanja i obrazovanja žena, pa je rekao: *"Obrazovanje je stroga obaveza svakom muslimanu i muslimanki."* (Ibn Madže)

Kod Poslanika, sallallahu alejhi ve sellem, su došle neke žene i rekle: *"O Allahov Poslaniče, mi ne možemo da se okoristimo od tebe zbog ljudi, pa nam odredi dan u kojem ćemo ti doći da nas poučavaš?"* Pa im je odredio mjesto i dan u kojem su mu dolazile žene, a on ih je podučavao." (Buhari)

Žene Poslanika, sallallahu alejhi ve sellem, ne samo da su znale pisati i čitati, nego su bile i od onih koje su podučavale druge propisima islama, podučavale su Kur'anu, historiji, prenosile su hadise, pojašnjavale su propise vezane za žene (hajz, nifas, trudnoću, dojenje i propise oko čistoće).

A`iša, radijallahu anha, je uobičavala da hvali žene Ensarijke sljedećim riječima, *"Divne li su žene Ensarijke, stid ih nije spriječio da se poduče vjeri!"* (Muslim)

Nakon Poslanikove, sallallahu alejhi ve sellem, smrti Berekah Umm Ajman je često plakala. Kada su je upitali: *"Zašto plačeš (tako često)?"* ona je odgovorila: *"Tako mi Allaha, ja sam znala da će Poslanik, sallallahu alejhi ve sellem, umrijeti, ali ja plačem zbog toga što je objava iz nebesa prestala dolaziti."*

Moramo nastojati da konstantno uvećavamo naše znanje o islamu. Pogledajte samo kako su ashabijke bile zabrinute kada je u pitanju sticanje znanja, a koje su one cjenile kao dar od Allaha. Bile su marljive, obrazovane i strastvene u učenju svoje vjere.

Shvatile su da pokoravanje Njemu Uzvišenom donosi samo dobro, a da vječna patnja ide uz nepokornost i nezadovoljstvo onim što je Allah objavio. Nažalost, naši životi su često pretrpani drugim stvarima i brigama, pa ne nalazimo vremena za sticanje novog znanja i boljeg razumijevanja vjere.

Kao rezultat toga, ne razmišljamo o mudrosti života koji je Allah Uzvišeni za nas kreirao. Živimo na razlikama između prava i odgovornosti muža i žene, ne shvatajući koristi koje nam one pružaju ukoliko živimo sa iskrenom namjerom da se pokoravamo Allahu Uzvišenom.

Pripremila sestra Adela

Znakovi ahiretske sreće i uspjeha

U znakove ahiretske sreće i uspjeha spada i to da kada god se robu poveća njegovo znanje, poveća mu se skrušenost i samilost prema stvorenjima. Kada god se poveća njegov trud, poveća mu se strah od Allaha i opreznost u postupcima. Što rob više ulazi u godine i starost, time sve manje čezne za dunjalukom. Kako mu se povećava imetak, tako se povećava i njegovo udjeljivanje i dobročinstvo. Kako raste njegov ugled i položaj, tako se povećaje njegova bliskost ljudima; više im koristi i rješava njihove potrebe.

(Ibn Kajjim)



Znakovi ahiretske nesreće i propasti

Jedan od znakova ahiretske nesreće i propasti jeste i to da kada god se robu poveća njegovo znanje, poveća mu se oholost i bahatost. Kada god se poveća njegov trud, poveća mu se ponos: još više omalovažava ljude i dodatno poraste njegov ugled u sopstvenim očima. Što rob više ulazi u godine i starost, time više žudi za dunjalukom i stjecanjem dobara. Kako mu se povećava imetak, tako se povećava njegova škrtost i tvrdičluk. Kako raste njegov ugled i položaj, tako se povećava njegova gordost i uzdizanje nad ljudima.

(Ibn Kajjim)

Važnost čitanja djeci I dio

Čitanjem našoj djeci pokazujemo ne samo da je učenje zabavno, već im pokazujemo da uče iz naših primjera.

Uzvišeni Allāh kaže : *... Allah će na visoke stepene uzdignuti one među vama koji vjeruju i kojima je dato znanje. - A Allah dobro zna ono što radite.*" (El-Mudžādala, 11.)

Iako je istina da znanje koje se spominje u navedenom ajetu je islamsko znanje, nema sumnje da je kroz cjelokupnu historiju islama, od vremena Poslanika, sallAllahu 'alejhi ve sellem, do današnjih dana, bilo zajedničkih shvatanja da je nastojanje za obrazovanjem i učenjem jedna od ključnih stvari koja nas čini muslimanima.

Poznato nam je iz naše bogate historije da su muslimani uvijek bili vodeći u naučnim, medicinskim, matematičkim i astronomskim otkrićima – i zbog toga su svi oduvijek zavidjeli našim učenjacima. Vrlo je važno da prenesemo tu predivnu tradiciju čitanja i učenja na našu djecu, i jedan od najboljih načina da to učinimo jeste da im čitamo.

Čitanjem našoj djeci pokazujemo ne samo da je učenje zabavno, već im pokazujemo da uče iz naših primjera. Poslanik, sallallāhu alejhi ve sellem, je rekao:

„Dozvoljeno je zavidjeti samo dvojici. Prvi- onaj kome je Allāh dao imetak i uputio ga da ga troši na pravi način, i drugi-onaj kome je Allāh podario mudrost kojom on presuđuje i kojom podučava.“ (Hadis bilježe Buharija i Muslim)

Sa čitanjem dolazi korist i dar znanja – ono što je korisnije našoj djeci od bilo čega drugog što bi im mogli kupiti ili dati. Čitanje

kojim razumiju pročitano pomaže im da shvate svoju vjeru, a zatim i druge njoj područje. Mi znamo da je čitanje srce svakog učenja, a naročito ako se čita i razumije Kur'an i Hadis.

Nije samo bitno da našu djecu podučimo bosanskom jeziku, već i arapskom,

koliko god smo to u mogućnosti. Na ovaj način oni mogu da dožive Kur'an onakvim kakav je, u svom čistom obliku. Osim što našu djecu trebamo podučiti da čitaju, još je bitnije da im mi čitamo i da ih slušamo kada oni čitaju. Time što ih slušamo možemo čuti i ispraviti njihove pogreške i pomoći im da pravilno izgovore riječi koje su im

manje poznate. Pojedine statistike pokazuju da skoro 40% svih učenika četvrtog razreda u SAD-u ne može pročitati niti razumjeti jednostavan pasus iz njihovih knjiga – i to je zaista šteta.

Moramo se potruditi da u našim zajednicama osnujemo grupe za čitanje, koje će pomoći našoj djeci i natjerati ih da isključe video igre i televizije u kućama, i uzmu knjige. Bilo da je to priča koju je

mama ispričala ili biografija o jednom od voljenih Poslanikovih, sallAllāhu 'alejhi ve sellem, ashaba, radiallāhu 'anhum, ključno je da naviknemo našu djecu da čitaju.

To je jedan od najlakših načina da se uključimo u njihovu edukaciju



i da im pokažemo da nam je stalo do njih. Napravite plan, i čitajte knjigu zajedno, a zatim diskutujte o njoj, objasnite je i postavljajte pitanja. Pitajte ih šta pretpostavljaju da će sljedeće da se dogodi, ili šta misle da bi trebalo da se desi.

Pripremila Ummu Mudžahid

Učimo Kur'an po tedžvidu

Primjena tedžvida obavezna je pri učenju Kur'ana, a to je posebno bitno u namazu. Primarno je kazati da namaz kvari svako učenje fatihe koje mjenja njeno značenje kao i svako ispuštanje harfa pri učenju fatihe.

Dokaz su riječi Poslanika, sallallahu alejhi ve sellem: „Nema namaza bez (učenja) fatihe.“ (Mutefekun alejhi)

Tedžvid je nauka koja nas upućuje u pravilno učenje (čitanje) Kur'ana.

U suri "El-Muzzemmil", 4. ajet, Allah, dželle šanuhu, naređuje Muhammedu, sallallahu alejhi ve sellem, a preko njega i svakom muslimanu i muslimanki:

"Uči Kur'an polahko, pravilno i razgovijetno!"

Učeći Kur'an čovjek može napraviti manje ili veće greške, ali treba da se trudi da ih svede na što je moguće manje grešaka. To će postići ako se dobro upozna sa tedžvidskim pravilima.

Da bi se tedžvidska pravila savladala trebaju se:

- dobro memorisati tj. znati napamet njihovu definiciju,
- učiti ih sa muallimom,
- stalno ih vježbavati i ponavljati.



Od Ebu Uname radijallahu anhu, prenosi se da je

rekao: 'Čuo sam Resullullahu da kaže: "Učite Kur'an, zaista će on na Sudnjem danu doći kao zagovornik onima koji su ga učili (pamtiti)."' (Muslim)

Kur'an treba učiti stalno i uvijek će nam se činiti svježim i novim, kao da ga prvi put učimo. Uvijek ćemo u njemu otkriti nešto novo što u ranijim čitanjima nismo primjetili. To zavisi od situacije. Kur'an se ne mijenja. Mijenjamo se mi, mijenjanju se životne prilike i stanja raspoloženja. Ali ne smijemo dozvoliti da zanemarimo učenje Kur'ana. Ako redovno ne čitamo Kur'an tako i zaboravimo ispravno čitanje Kur'ana.

Abdullah ibn Amr prenosi da je Vjerovjesnik, sallallahu alejhi ve sellem, rekao: "Reći će se čovjeku koji je učio Kur'an, uči i penji se, i uči pravilno kao što si na dunjaluku učio, tvoj je stepen kod posljednjeg ajeta kojeg proučiš." (Tirmizi)

Isto tako moramo paziti i primjenjivati melodično učenje Kur'ana. Pravilno i melodično učenje Kur'ana privlači meleke kao što mirisni cvijet i med privlače pčele. Zato uljepšavajmo učenje Kur'ana melodično.

Ebu Hurejre, radijallahu anhu je rekao: 'Čuo sam Poslanika, sallallahu alejhi ve sellem da kaže: "Allah ništa ne sluša tako kao vjerovjesnika lijepoga glasa, kada glasno uči Kur'an." (Buhari I Muslim)

Dakle vidimo da je Kur'an uzrok sreće i uspjeha i na ovom i na budućem svijetu. Uzrokom je časnog života, zaštite i bereketa u dijelima i uzrokom je nagrade i stepena u džennetu.

Pripremila Ummu Talha


Strpljivost beduinke kojoj je led uništio usjev

Et-Tenuhi kaže: "Obavijestio me je Ebu Bekr Muhammed ibn Jahja es-Suli u Basri, 335. godine po Hidžri čitajući mi predaju, koju sam ja slušao, kako je Berki rekao:

„Vidio sam jednu ženu u pustinji kojoj je led u potpunosti uništio usjev. Ljudi su joj dolazili, iskazujući svo svoje sažaljenje, a ona diže svoj pogled prema nebu i reče: „Allahu moj, Ti si nada u najbolju zamjenu. U Tvojim rukama je nadoknada ovog što je upropašćeno. Radi s nama što god želiš, naša opskrba je u Tvojim rukama, a naša nadanja se samo Tebi usmjeravaju.“

„Ne prođe malo vremena, a pojavi se jedan veoma bogat čovjek kojem sve to saopštiše, a on joj pokloni pet stotina dinara.“

„A samo ćete na Sudnjem danu u potpunosti dobiti plaće vaše.“ (Ali Imran, 185)



„A ti obraduj izdržljive, one koji kada ih kakva nevolja zadesi samo kažu: „Mi smo Allahovi i mi ćemo se Njemu vratiti!“ Njih čeka oprost od Gospodara njihovog i milost; oni su na Pravom putu.“

(El-Beqare, 155-157)

Sva vrijedna roba je la ilahe illallah

O, ti, što prodaješ svoju dušu za užitek bezvrijednoga, za ono što ti neprijatnost nosi i čija prividna ljepota neće potrajati! Doista si ono najvrednije prodao u bescjenje.

Kao da ne poznaješ vrijednost svoje robe i mizernost cijene za koju si je dao?! No, vidjet ćeš na dan kada se sve obmane i prevare obznane, kakav si ugovor sklopio, na dan kada sva vrijedna roba bude: La ilahe illallah!, Allah Uzvišeni kupac, cijena robe Džennet, a Poslanik razglasivač prodaje! Zar si zadovoljan da prodaš svoju robu za samo mali dio onoga što u cjeni kod Allaha ne vrijedi ni koliko krilo mušice!

Ibn Kajjim

Allahove blagodati

Blagodati su, isto tako, iskušenja putem kojih se pokazuje zahvala vjernika i nezahvalnost nevjernika, kao što su i nedaće koje čovjeka zadese iskušenja. Allah Uzvišeni iskušava robove Svoje blagodatima, isto kao što ih iskušava nedaćama i patnjama. Uzvišeni je rekao: „Čovjek, kada ga Gospodar njegov hoće iskušati, pa mu počast ukaže i blagodatima ga obaspe, rekne: „Gospodar je moj prema meni plemenito postupio!“ **A kada mu, da bi ga iskušao, opskrbu njegovu oskudnom učini, onda rekne: „Gospodar moj me omalovažio!“** (El-Fedžr, 15-16) Ajet poručuje: Nije svako kome Allah Uzvišeni blagodat ukaže i opskrbu mu obilnom učini počastvovan time kod Allaha, niti je svako kome je Allah Uzvišeni opskrbu oskudnom učinio ponižen i zaboravljen kod Njega.

Ibn Kajjim

Brod ne plovi po suhom

„Oni koji vjeruju i koji se isele i bore na Allahovom putu, oni se mogu nadati Allahovoj milosti. A Allah prašta i samilostan je.“ (El-Beqare, 218)

Vjerujem da većina nas pamti djetinstvo kao najljepši dio svog života. Sve nekako radosno i bezbrižno. I život pod okriljem roditeljske ljubavi je nešto čiju vrijednost znaju najbolje oni koji su je rano izgubili. Međutim, sve to učini da insan nekako nespreman zakorači u život, u brak, u roditeljstvo i ne može se nositi sa onim što mu je takav život donio.

Sama udaja za ženu je jedan veliki korak. Jedan stari čovjek mi je to davno nekad slikovito opisao: „ To je kao kad biljku iščupaš sa korijenom i presadiš je na neko drugo mjesto.“ Ako je zemlja plodna, biljka se primi, a ako je tvrda i nerodna, suha, onda će biljka uvenuti. I zaista bude tako.

Ono što većina roditelja ispusti u odgoju svoje djece jeste priprema za stvarni život u kojem nema roditelja da ih štite od onoga što ih tamo vani čeka, da se znaju sami snaći u vrtlogu stvarnosti i da pravilno odaberu svoje mjesto u toj stvarnosti. Da spoznaju

ljepotu bračnog života, ali i da znaju da bajke ne postoje, da život bez problema nije moguć. Život jednog vjernika je pun iskušenja i često bude teško snaći se u svemu tome.

Šta se onda desi sa nama u međuvremenu? Zašto probdijemo mnoge noći, zašto plaćemo kad nas niko ne vidi i tugujemo za nečim što je bilo? Zašto nam je ponekad teško da prihvatimo stvari onakve kakve jesu, jer nam je Gospodar svjetova tako

Zašto kada smo bolesni ne sjetimo se Ejuba, alejhisselam, koji je osamnaest godina bio bolestan i nikada nije zatražio od Allaha da ga izliječi jer je bio od zahvalnih robova?

Sjetimo li se nagrade koja je obećana i za ono što nas trn ubode?

Iskušenja imetkom nisu laka, pogotovo ko ima djecu, ali sjetimo se da su većina stanovnika Dženneta siromasi.

Onda iskušenja vjerom koja je kao žeravica na dlanu, ako je držiš opečeš se, a ako je ispustiš izgubiš je.

Djeca onda. Ko ih ima neka se sjeti Nuha, alejhi sellam, i njegovog sina nevjernika. Koga Allah iskuša sličnim. Ili Jakuba, alejhi sellam, koji je bio bez Jusufa tako dugo, ali nije gubio nadu u Allaha.

Koga Allah iskuša i za života mu uzme evlad, neka se sjeti našeg Poslanika, sallallahu alejhi ve sellem. Sjeti se koliko je on svoje djece ispratio na ahiret, a bio je zahvalan rob.



propisao? Borimo se da izmijenimo stvari, a tada uglavnom ne zagledamo sebe, svoju dušu, srce, greške koje svakodnevno pravimo.

A ko ih nema, neka se sjeti Ibrahima, alejhi sellam. Neka se sjeti Zekerijaha, alejhi sellam, i njegove dove Allahu da ga ne ostavi sama.

Reci: „O robovi moji, koji ste se prema sebi ogriješili, ne gubite nadu u Allahovu milost! Allah će sigurno sve grijehе oprostiti; On doista mnogo prašta i On je milostiv.“ (Ez-Zumer, 53)

Vjernik ne gubi nadu u Allahovu milost.

„Reci: „O robovi moji, koji ste se prema sebi ogriješili, ne gubite nadu u Allahovu milost! Allah će sigurno sve grijehе oprostiti; On doista mnogo prašta i On je milostiv.“ (Ez-Zumer, 53)

Prenosi se od Enesa, radijallahu anhu, da je čuo kako Poslanik, sallallahu alejhi ve sellem, kaže: „Uzvišeni Allah veli: „O Ademovi sinovi, sve dok mene pozivate i od Mene

tražite, oprostit ću vam ono što ste činili i neću vam zamjerati. O, Ademovi sinovi, i da vaši grijesi stignu do oblaka na nebu i da zatražite oprost, Ja bih vam oprostio. O, Ademovi sinovi, da mi dođete sa grijehom velikim kao Zemlja, i da se onda Meni okrenete, a da mi ne pripisujete druga, dao bih vam oprost velik kao što je ona.“ Hadis bilježi Tirmizi.

El-Hasana su jednom opisali: „Kada bi nam se približio, izgledao bi kao da se upravo vratio sa dženaze svoga najboljeg prijatelja. Kada bi sjeo u društvo, bio bi poput zatvorenika koga su osudili na smrt kaznom odsjeccanja glave. A kada bi Džehennem spomenuli, bilo bi kao da je posebno za njega stvoren.“

Ibn Hibban u svojoj knjizi Revzat el-Ukala navodi da je pjesnik Ebul-Atahijja rekao: „Krenuo sam da vidim Harun er-Rešida, zapovjednika vjernih, i kada me je vidio, rekao mi je: „Da li si ti Ebul-Atahijja, pjesnik?“ Rekao sam: „Jesam!“ Onda mi je re-

kao: „Daj mi savjet u nekoliko stihova i neka bude jezgro vito!“ Ja sam mu izrecitovao: „Nikada se ne osjećaj sigurnim od smrti. Čak i ako tražiš zaštitu u tvojim savjetnicima i čuvarima. Znaj da su strijele smrti uvijek usmjerene ka tebi, ma kakvo oružje i štitove da imali. Nadaš li se oprost ako nisi hodio tim putem? Brod ne plovi po suhom.“

Pripremila Ummu Esma

Nastupanje Sudnjeg dana

Kada se približi istinita prijetnja Allah, subhanehu ve teala, će narediti meleku koji je zadužen za puhanje u sur i on će puhnuti u sur jednom pa će se zemlja i brda dignuti i od jednog udara zdrobiti, nebesa rascijepiti (sazviježđa rasturiti i zvijezde pogasiti), nestaće njihovog sjaja, mora će se vatrom napuniti i pomrijeće najgori ljudi kad im se ukažu strahote Sudnjeg dana i strahote potresa i sav užas toga stanja. I uvjeriće se da je istina ono čime im se prijetilo, a oni su se toga dana tome izrugivali.

Uzvišeni stavlja u zadaću svojim robovima da prema Njemu budu bogobožni i obavještava ih o strahotama Sudnjeg dana, njegovim potresima i stanjima. (Ibn Kesir) Allah, subhanehu ve teala, kaže: "O ljudi, Gospodara svoga se bojte! Zaista će potres kada Smak svijeta nastupi, veliki događaj biti! Na dan kad ga doživite svaka dovilja će ono što doji zaboraviti, a svaka trudnica će svoj plod pobaciti, i ti ćeš vidjeti ljude pijane, a oni pijani neće biti, već će tako izgledati zato što će Allahova kazna strašna biti." (El Hadždž, 1-2)

Allah, Blagi i Uzvišeni kaže: "A kad se jednom u sur puhne, pa se Zemlja i brda dignu i od jednog udara zdrobe, toga dana će se Smak svijeta dogoditi i nebo će se razdvojiti, tada će labavo biti i meleki će na krajevima njegovim stajati, a prijesto Gospodara tvoga će toga dana iznad njih osmorica držati. Tada ćete ispitivani biti, i nijedna vaša tajna neće skrivena ostati." (El-Haqqa, 13-18)

Ibn Kesir navodi u svome Tefsiru da El-Haqqa/ Čas neizbježni/, jedno je od imena Sudnjeg dana, jer će se toga dana obistiniti Allahovo obećanje i prijetnja.

Naš Gospodar, Allah, subhanehu ve teala, kaže: "A na Dan kada planine uklonimo, i kad vidiš Zemlju ogoljenu, a njih smo već skupili, ni jednog ne izostavili, pred Gospodarom tvojim biće oni u redove poredani: "Došli ste Nam onako kako smo vas prvi put stvorili, a tvrdili ste da vam nećemo vrijeme za oživljenje odrediti." I knjiga će biti postavljena i vidjet ćete grijешnika prestravljena zbog onog u njoj. "Teško nama!" - govoriće - "Kakva je ovo knjiga, ni mali ni veliki grijeh nije propustila, sve je nabrojala!" i naći se upisano ono što su radili. Gospodar tvoj neće nikome nepravdu učiniti" (Kehf, 47-49)

Omer ibn Hattab, radijallahu anhu, je rekao: „Svedite račune sami sa sobom prije nego vam se računi obračunaju, preispitajte sami sebe prije nego budete ispitivani, bit će vam lakši računi sutra ako se danas sami sa sobom obračunate i uljepšajte za najveće suđenje i ispitivanje, koje će biti na Sudnjem danu.“

Spremajmo se zato za ovaj Dan, dan kada niko ni za koga znati neće, radi strahota koje će se tada desiti i vidjeti.

Pripremila sestra Aiša

Dobrota prema djeci



Od Ebu Hurejre, radijallahu anhu, se prenosi da je rekao: "Jedan dan smo Poslanik, sallallahu alejhi ve sellem, i ja izišli napolje. Dok smo hodali obojica smo šutili; niti je Poslanik pričao sa mnom, niti sam ja pričao sa njim. Kada smo došli do pijace Benu Kajnuka, Poslanik, sallallahu alejhi ve sellem, je sjeo u prednjem dvorištu Fatimine, radijallahu anha, kuće i upitao: 'Da li je Hasan (poslanikov unuk) kod kuće. Ali Fatima, radijallahu anha, ga je zadržala neko vrijeme u kući. Ja sam pomislio da mu presvlači odjeću ili da ga kupa. Nakon nekog vremena, dječak je istrčao iz kuće prema Poslaniku, sallallahu alejhi ve sellem, zagrlio ga i poljubio ga u usta. Onda je Poslanik, sallallahu alejhi ve sellem, rekao: "O Allahu! Voli ga, i voli onoga ko ga voli." (Muteffekun alejhi)

U drugoj predaji o ovom događaju stoji da je poslanikov unuk Hasan, radijallahu anhu, izišao iz kuće brzo hodajući i skočivši u krilo Poslaniku, sallallahu alejhi ve sellem, koji je držo svoje ruke raširene prema njemu, i onda ga je zagrlio i poljubio.

Govor Ebu Hurejre radijallahu anhu: "Poslanik, sallallahu alejhi ve sellem, nije pričao sa mnom" je vjerovatno bilo zbog toga što je Poslanik, sallallahu alejhi ve sellem, bio zauzet razmišljanem o nečemu ili je dobivao objavu u to vrijeme. A što je rekao: "niti sam ja pričao sa njim" je zato što je on, radijallahu anhu, poštivao Poslanika; to je bila praksa ashaba kad god bi vidjeli Poslanika, sallallahu alejhi ve sellem, da šuti.

Ova predaja je odraz ugleda koji je Poslanik, sallallahu alejhi ve sellem, imao, njegova posjeta ovom djetetu, oslikava ljubav i milost koju je Poslanik imao prema njemu. Sve to uprkos velikim odgovornostima koje je imao kao vođa čitavog Ummeta; u prvom redu pozivanje u Allahovu, tebareke ve te'ala, vjeru, vođstvo muslimanske vojske, učenje i odgajanje ashaba, čuvanje riznice muslimana (Bajtul-Maal)... Štaviše, Poslanik, sallallahu alejhi ve sellem, je u isto vrijeme dobivao objave od svog Gospodara, razmišljao o Allahovim ajetima i sprovodio ih u životu. Unatoč svemu tome, u svim svojim svakodnevnim obavezama nije zaboravio da provjeri kako su njegov unuk, njegova kćerka i zet. Sjeo ispred kuće čekajući da njegov unuk izađe, ispružio svoje ruke prema njemu te ga nježno zagrlio i poljubio, a to se odrazio i u reakciji djeteta koje je brzo istrčalo i skočilo mu u krilo.

Druga predaja koja pokazuje dobrotu Poslanika, sallallahu alejhi ve sellem, prema djeci je predaja od Enesa Ibn Malika, radijallahu anhu, koji kaže: "Nikad nisam vidio nekoga ko je bio bolji i milostiviji prema djeci od Poslanika, sallallahu alejhi ve sellem. Poslanik, sallallahu alejhi ve sellem, bi išao da ga posjeti i bude sa svojim sinom Ibrahimom, kojeg je dojila žena iz 'Avale, područje kod Medine;. Poslanik, sallallahu alejhi ve sellem, bi ulazio u kuću u kojoj je bio Ibrahim i nalazio ga sa ostacima mlijeka, koje je pio, na njegovom malom licu; Poslanik, sallallahu alejhi ve sellem, bi ga podigao i poljubio ga." Amr, radijallahu anhu, koji je bio jedan od ashaba koji je vrijeme provodio uz Poslanika, te ga je takođe pratio prilikom njegovih posjeta, kaže: "Poslije smrti Ibrahima, Poslanik, sallallahu alejhi ve sellem, je rekao: 'Ibrahim je moj sin i on je umro dok je bio u dobi dojenja; on će imati dvije žene u Džennetu koje će ga dojiti dok ne upotpuni dojenje.'" (Muslim)

Ova predaja odražava plemenito ponašanje Poslanika, sallallahu alejhi ve sellem, i njegovu dobrotu prema djeci. Isto tako naglašava plemenitost prema djeci. Ibrahim je umro kad je imao šesnaest ili sedamnaest mjeseci, što je razlog zašto je Poslanik, sallallahu alejhi ve sellem, rekao da je umro u doba dojenja, jer dojenje se upotpunjuje sa pretežno kada dijete navrši dvije godine, kao što je spomenuto u Kur'anu.

Pripremila Ummu Zejd

Poslanik, sallallahu alejhi ve sellem, je sjeo u prednjem dvorištu Fatimine, radijallahu anha, kuće i upitao: 'Da li je Hasan (poslanikov unuk) kod kuće. Ali Fatima, radijallahu anha, ga je zadržala neko vrijeme u kući. Ja sam pomislio da mu presvlači odjeću ili da ga kupam. Nakon nekog vremena, dječak je istrčao iz kuće prema Poslaniku, sallallahu alejhi ve sellem, zagrljio ga i poljubio ga u usta. Onda je Poslanik, sallallahu alejhi ve sellem, rekao: "O Allahu! Voli ga, i voli onoga ko ga voli."'

(Muteffekun alejhi)



Spoj unutrašnje i vanjske ljepote



Ovu ljepotu posjedovao je Jusuf, alejhi sellam. Kada je okupila žene da bi im pokazala Jusufovu, alejhi sellam, ljepotu i na taj način našla opravdanje za svoju ljubav pred njima, namjesnikova žena je rekla:

“E to vam je onaj zbog koga ste me korile...” (Jusuf, 32) tj. to je onaj čija me je ljepota opčinila i koga sam strašno zavela. Ko me nakon toga može koriti kada je on ovako lijep? Zatim je rekla:

“Istina je da sam htjela da ga na grijeh navratim, ali on se odupro...” (Jusuf, 32) tj. njegova unutrašnja ljepota veća je nego spoljašnja, jer je on čedan, čist i daleko od svake pronevjere. Onaj koji voli govori o lijepim osobinama svoje

voljene osobe, čak i kada nije tu u njegovom prisustvu. U ovom su kontekstu i riječi Uzvišenog u kojima opisuje stanovnike Dženneta: **“...i blaženstvo i radost im darovati.”** (Ed-Dehr, 11)

Allah, subhanehu ve teala, uljepšat će njihov spoljašnji izgled osjećajem blaženstva, a njihove duše neizmjernom srećom koju će osjećati. Uzvišeni također kaže:

“Toga će dana neka lica blistava biti, u Gospodara svoga će gledati.” (El-Kijama, 22-23). Ne postoji ništa što im je draže i što im predstavlja veću radost i duševno uživanje od gledanja u Allahovo, subhanehu ve teala, lice. Njihova će lica blistati ljepotom, a srca uživati u gledanju u Allaha, subhanehu ve teala. Isto tako su i riječi Uzvišenog: **“...nakićeni narukvicama od srebra.”** (Ed-Dehr, 21), a to je ukras vanjske ljepote, a zatim je rekao Uzvišeni: **“I dat će im Gospodar njihov da piju čisto piće.”** (Ed-Dehr, 21) tj. piće koje će očistiti njihove utrobe od svake nečistoće i ukrasiti ih. Slične tome su i riječi Uzvišenog:

“O sinovi Ademovi, dali smo vam odjeću koja će pokrivati stidna mjesta vaša, a i raskošna odjeća.” (El-E'raf, 26)

Odjeća je vanjski ukras, a zatim je rekao: **“...ali odjeća čestitosti, to je ono najbolje.”** (El-E'raf, 26), a to je ukras duše. Donekle su ovim ajetima slične i riječi Uzvišenog: **“A nebo najbliže sjajnim smo zvijezdama ukasili i nad njima Mi bdijemo.”** (El-Fussilet, 12) Spoljašnjost neba ukasio je zvijezdama, a njegovu unutrašnjost sačuvao od šejtana. Uzvišeni kaže: **“I onim što vam je potrebno za put, snabdijte se. A najbolja opskrba jeste bogobožnost.”** (El-Bekare, 197)

U ovom ajetu Allah, subhanehu ve teala, ukazuje na to da postoji opskrba tijela i opskrba duše. Kur'an pored svoje vanjske ljepote, koja se ogleda u ljepoti njegovih izraza i rječitosti, ima svoju unutrašnju ljepotu, koja se ogleda u ljepoti njegovih značenja. Također, i riječi Uzvišenog: **“U njemu nećeš ni ogladnjeti, ni go biti, u njemu nećeš ni ožednjeti, ni žegu osjetiti.”** (TaHa, 118-119)

U istom se ajetu spominje glad i golotinja tijela, dok se u drugom ajetu zajedno spominju žeđ i žega, a ne spominje se zajedno glad i žeđ, jer je glad unutrašnja golotinja i poniženje, dok je golotinja znak vanjske neimaštine i poniženja. U ovom se slučaju poredi nepostojanje unutrašnjeg i vanjskog poniženja, i unutrašnje i vanjske gladi. Žeđ je unutrašnja vrelinina, dok je žega vanjska vrelinina tijela, te se stoga i spominju zajedno.

Ibn Kajjim

Ona je željna susreta sa tobom

Žalosno je stanje u kome se danas nalaze muslimani u odnosu jednih prema drugima u svakom segmentu pa tako i u adabima međusobnog druženja, ugošćavanja, posjećivanja i uopšte komuniciranja.

Koliko volimo drugu sestru u ime Allaha, subhanehu ve teala, iskreno, najbolje se pokazuje iz našeg ophođenja prema njoj, koliko smo upoznati sa njenim radostima, sa njenim stanjem, sa njenim problemima? Zapitajmo se kada smo zadnji put rekli sestri u islamu da je volimo u ime našega Gospodara? Juče, prošle sedmice, prije mjesec, dva ili tri? Ili možda nikada...

Kada smo je nazvali, kada smo joj se javili prvi i upitali je za njeno zdravlje i njenu situaciju? Zar ne znaš da njen osmijeh koji će nesumnjivo izazvati tvoj poziv, znači sadaka za tebe. Ti si mislila na nju, ti si je obradovala kada se ona možda najmanje nadala, uljepšala si joj dan. Ne moraju to biti dugi razgovori, dovoljno je par minuta koje si ti izdvojila da se sjetiš svoje sestre u islamu. Ne gledaj ko je zadnji zvao, niti ko se posljednji javio, ko je zadnji pisao. Budi ti prva koja će uraditi ovo dobro djelo i obradovati svoju sestru u islamu.

Kada si je zadnji put posjetila, kada si je zadnji put nasihatila, obradovala, možda je tvoja sestra usamljena, željna da se susretne sa sestrom koju voli, ali možda je tu sestru taj dan nešto mučilo, a ti si joj olakšala svojim riječima: "Bit će ako Allah da sve dobro. U Njega se uzdamo." Možda je ta sestra taj dan tugovala, a ti si je svojim pozivom iz tuge podigla. Možda je taj dan sestra i plakala, a ti si je svojim gestom i pažnjom nasmijala i razgovorila, a vaša srca su se i zbližila. Jer ona je željna susreta sa tobom....

Uzvišeni Allah kaže: **"A vjernici i vjernice su prijatelji jedni drugima, traže da se čine dobra djela, a od loših odvrćaju i namaz obavljaju i zekat daju i Allahu i Poslaniku Njegovu se pokoravaju. To su oni kojima će se Allah sigurno smilovati. Allah je doista Silan i Mudar."** (At Tewba, 71)

Pogledajmo naše stanje u kome se nalazimo. Mi izbjegavamo i telefonom da se sa sestrom čujemo. Puno je onih koji vole da odlaze drugima u goste, ali su neraspoloženi i negostoprимljivi kada im se posjeta treba uzvratiti. Sačuvao nas Allah ovakvih ružnih osobina koje nisu od osobine stanovnika Dženneta.

Allahov Poslanik, sallallahu alejhi ve sellem, je rekao: **"Ako neko želi osjetiti slast vjere, treba da nekog voli u ime Allaha."** (Ahmed)

Ljubav u ime Allaha je pored ljubavi prema Allahu Uzvišenom jedna od dvije potpune ljubavi. Kako da vjernik ili vjernica ne vole ono što će im pomoći na putu stjecanja Allahovog, subhanehu ve teala, zadovoljstva i što će im osigurati Njegovu ljubav i blizinu.

Doista moramo ozbiljno razmisliti o ovim izgubljenim vrijednostima.

Preispitaj tvoju opskrbu kojom te Milostivi opskrbio, pogledaj ima li u njoj blagoslova ili si njome iskušana kako bi ti bila dokaz protiv tebe na Sudnjem danu?

Budimo sestre u vjeri i obradujmo svoju sestru (ili sestre) u islamu imajući i u vidu hadis Poslanika sallallahu alejhi ve sellem gdje navodi: **"Ako čovjek voli svog brata (u vjeri) treba mu to i reći."** (Ebu Davud i Tirmizi)

Pripremila Ummu Talha



Budimo od onih koji udjeljuju II dio

Uzvišeni Allah kaže: **“Ko uradi kakvo dobro, čini ga radi sebe.”** (El-Džasije, 15) **“I nećete učiniti nista od dobra, a da ga Allah ne zna.”** (El-Bekare, 179) **“I ono što učinite od dobra, Allah uistinu za njega zna.”** (El-Beqare, 215)

Imam Ahmed preko El Hasana navodi da je Sa'saa ibn Muavija, El-Ferezdekov amidža došao Allahovom Poslaniku, sallallahu alejhi ve sellem, i proučio mu: **“Onaj ko bude uradio koliko trun dobra – vidjet će ga, a onaj ko bude uradio i koliko trun zla – vidjet će ga.”**, pa je rekao: **“Dovoljno mi je ovo da drugo ništa nisam čuo.”**

Uzvišeni Zaštitnik obavještava Svoje robove da od činjenja dobrog djela korist ima onaj koji ga čini, a do Allaha dolazi samo bogobožnost.

Musliman je dužan da se pokorava svome Gospodaru shodno svojim mogućnostima i da daje sadaku onoliko koliko može, pa makar bila mala.

Ustrajte da podstičite sebe i svoje porodice u udjeljivanju, pa makar i u maloj količini, jer se i za nju ima velika nagrada.

Od Ebu Mes'uda, radijallahu anhu, prenosi se da je rekao: **“Kada je objavljen ajet o sadaci, mnogi od nas su zarađivali noseći teret na leđima da bi udijelili sadaku. Tada je došao jedan čovjek i podijelio dosta imetka kao sadaku, na što neki rekoše: ‘Pretvara se.’ Zatim je došao drugi čovjek pa je dao sadaku u iznosu jednog sa'a (četiri pregršta), na što opet neki rekoše: ‘Allah je neovisan o ovom jednom sa'u.’ Tada je objavljen ajet: ‘One koji vjernike ogovaraju zato sto zekat i sadaku daju, a rugaju se i onima koji ga s mukom daju...’** (Et-Tevbe, 79)” (Muteffekun alejhi)

Muslimanu je u činjenju dobrih djela data slobodna volja, pa će zato biti i nagrađen shodno svojim djelima, a ukoren za nemarnost prema Allahovom pravu.

Od Ebu Zerra, radijallahu anhu, se prenosi da je rekao: **“Rekao mi je Vjerovjesnik, sallallahu alejhi ve sellem: ‘Nemoj potcjenjivati ništa od dobrih djela, pa makar da se sretneš vedra lica sa svojim bratom.’** (Muslim)

Od Ebu Hurejre, radijallahu anhu, prenosi se da je Allahov Poslanik, sallallahu alejhi ve sellem, rekao: **“O žene muslimanke, neka ni jedna od vas ne potcjenjuje poklon koji joj donese njena komšinica, pa makar se radilo o ovčijem papku.”** (Muteffekun alehi)

Također je Poslanik, sallallahu alejhi ve sellem, rekao: **“Kad čovjek umre, prestaju njegova djela, osim u tri slučaja: (kada iza njega ostane) trajna sadaka, znanje od kojeg ljudi imaju korist ili dobro odgojeno dijete koje za njega čini dovu.”** (Ahmed i Muslim)

Imajući u vidu sve ajete i hadise koji govore o sadaci, o udjeljivanju, pa budimo zaista od onih koji udjeljuju ne plašeći se neimaštine i šejtana već bojeći se samo Uzvišenog Gospodara.

Pripremila sestra Sehla



Imami Ahmed, Allah mu se smilovao, prenosi od Kajsa da je rekao: "Ustao je Ebu Bekr, Allah bio zadovoljan s njim, zahvalio se Allahu, donio pohvalu na Njega, a zatim rekao: "Ljudi, vi učite ajet: O VJERNICI, BRINITE SE O SEBI... ali ga postavljate na pogrešno mjesto, jer ja sam čuo Allahova Poslanika, sallallahu alejhi ve sellem, da kaže: "Zaista će ljude koji vide (jedni kod drugih) nešto pokušeno i negativno, pa to ne promijene, Allah brzo kazniti sve skupa." I čuo sam Ebu Bekra gdje kaže: "Čuvajte se laži, jer je laž, uistinu, daleko od vjerovanja (imana)."

Prenosi se od Ebu Saleba el Hasenija da ga je upitao Ebu Umejje eš Ša`bani za tumačenje ovog ajeta, pa mu je on odgovorio: "Tako mi Allaha, upitao sam o njemu dobro znanog, upitao sam Allahova Poslanika, sallallahu alejhi ve sellem, pa mi je odgovorio: "Vi međusobno naređujete dobro i pozitivno, i međusobno zabranjujete pokušeno i zabranjeno sve dok ti ne vidiš da se je pokorno pohlepi, da se strast slijedi, da je data prednost dunjaluku i da se svako uznosi sa svojim mišljenjem i stavom, onda se brini samo za sebe i kloni se svjetine, jer su iza vas dani u kojima će strpljivi biti kao onaj ko je stegnuo žar u šaci, ali će onaj koji bude radio (i praktikovao islam) imati nagradu pedeseterice koji rade kao što i vi radite (sad)." Neko je upitao od prisutnih: "Allahov poslaniče, nagradu pedeseterice od nas ili od njih?" Odgovorio je: "Nagradu pedeseterice od vas." (Tirmizi)
Komentar Kur`ana Ibn Kesira:str.394

Ko je Ehlul – Bejt 1 dio

Muhammed, sallallahu alejhi ve sellem, nam u poslednja dva hadisa naglašava da se čvrsto držimo njegove plemenite porodice, da znamo njihova prava, da ih poštujemo i pridajemo im čast, Allah bio zadovoljan sa svima njima. Ali pitanje je ko su članovi porodice Poslanika Muhammeda, sallallahu alejhi ve sellem.

Hadis al Thiqlajna ukazuje na koncept Poslanikove porodice, objašnjavajući da su Ehlul bejt Poslanikova, sallallahu alejhi ve sellem, rodbina i njegove žene.

Kako bismo kompletirali prošli hadis, ashab Zejd koji prenosi hadis el Thiqlajn kaže: *„Njegove žene spadaju u njegovu porodicu, ali njegov Ehlul bejt, kojemu je haram primiti sadaku su: porodica Alijina, porodica Akilova, porodica Dža'ferova i porodica Abbasova.“*

Abdurahman bin Ebi Lajla, ugledni ashab kaže: Zatim smo pitali Poslanika, sallallahu alejhi ve sellem, o tome kako da se molimo za njegovu porodicu, iako nam je Allah kazao kako da se molimo za njega. Poslanik, sallallahu alejhi ve sellem, je rekao: *“Reci: O, Allahu, blagoslovi Muhameda i rod Muhamedov kao što si blagoslovio Ibrahima i rod Ibrahimov. Zaista si ti hvaljen i slavljen! O Allahu, obaspi blagodatima Muhameda i rod Muhamedov kao što si blagodatima obasuo Ibrahima i rod Ibrahimov. Zaista si ti hvaljen i slavljen!”*

Poslanik, sallallahu alejhi ve sellem, ih je podučio ih je i drugim vrstama molitvi za njega i njegovu porodicu, a jedna od njih je i ova: *„O Allahu, blagoslovi Muhammeda, žene i potomke Muhammedove, kao što si blagoslovio porodicu Ibrahimovu, i obaspi blagodatima Muhameda, žene i potomke Muhamedove, kao što si blagodatima obasuo porodicu Ibrahimovu. Zaista si ti hvaljen i slavljen!”*

Više o ovoj sekti možete saznati na stranici: www.zabludarafidiya.blogspot.ba

Ribljí file

Potrebni sastojci:

1 kg oslića

500 g paradajza

glavica crnog luka

100 g maslina

struk ruzmarina

100 ml maslinovog ulja

100 gr brašna

so, biber.



Priprema jela:


Oslića očistite, posolite, blago izlupajte tučkom, uvaljajte u brašno i propržite na vrelom ulju. Posebno propržite sjeckani crni luk i oljušten paradajz, dodajte sjeckane masline i začinite ruzmarinom. Dolijte maslinovo ulje zatim posolite i pobiberite. Kuhajte dvadeset minuta. U vatrostalnu posudu poredajte komade oslića, zalijte kuhanim sosom i pecite oko pola sata na 180 stepeni.

Pripremila Ummu Abdullah

Posjetite blogger — www.husneh.blogger.ba

Ručni radovi za vas i vaše najmlađe kao i razne ponude
(knjiga, haljina, marama, parfema)

Povoljne cijene, samo za vas!




dizajn uredio HTML TUTOR

Dobrodošli na moj blogger

04.03.2011.

Novi radovi






KALENDAR

<< 03/2011 >>

ned	pon	uto	sri	cet	pet	sub
			01	02	03	04 05
06	07	08	09	10	11	12
13	14	15	16	17	18	19
20	21	22	23	24	25	26
27	28	29	30	31		

LOGO BLOGA





Za dodatne informacije se obratite na
email husneh@hotmail.com

Posjetite stranice

Stranica na bosanskom jeziku

www.imamitewhida.com ↓

imamitewhida.com


أئمة التوحيد

Mar 7

traži...


TRAŽI

Početna Kutubhana Biografije O nama Kontakt Pretraga Linkovi Other language Fikh



Namaz u nepoznatoj džamiji

Jednoga dana upita jedan čovjek imama Ahmeda, rahimehullah: Idem na pijacu i putem čujem mujezina kako poziva na namaz, moram li da idem u džamiju...



Izlazak iz šerijata izvodi iz vjere

Ostalo | Srijeda, 17 novembar 2010



Samo Tebe obožavamo i samo od Tebe pomoć tražimo



Koji je najveći grijeh

Sunnah | Srijeda, 16 februar 2011

Video1 Video2 Video3 Video 4



Učenje Kur'ana

Popularno

Sušтина širka
Tekfir radi jasnog kufra
Ispoljavanjem dina, pojedinac izlazi iz uopštenog suda koji važi za ostale stanovnike
Stanja i vrste onih koji izgovaraju riječ tevhida

Stranica na makedonskom jeziku

www.monoteizam.com ↓


Saturday, Mar 05th | Освежено: 08:46:35 AM GMT | Headlines: Значење на "Сеопфатниот (Општ) Текфир" во зборовите од Научниците на оваа Дава Тевхид.

Монотеизам

Он е Аллах - Еден!


НАСЛОВНА АКИДА ФИКХ АСХАБИ ФЕТВИ ЗА СЕСТРИ ДА'ВА МЕНХЕЦ ЗА НАС ВИДЕОТЕКА DOWNLOAD ФОРУМ КОНТАКТ

ВИЕ СТЕ ТУКА: HOME



Аллах е восхитен од овчарот - кој по врвовите од планините, учи езан и клања намаз!!!

Пренесува Укбе ибн Амир радијаллаху анху, ПОВЕЌЕ...



Адаби на Исламското Братство.

Значење на "Сеопфатниот (Општ) Текфир" во зборовите од Научниците на оваа Дава Тевхид.
Ебу Мухаммед.


Истовремено изговарање Шехадет и правење Ширк!!!

Верска поврзаност, лојалност, вилает, спрема Тагут преставува Голем Куфр!!!


Оној, кој му признава Ислам на Тагутот - Потврдува дека е негов обожавател Ма'буд.

Спротивно од Тевхидот се наоѓа Ширк!!!


ВИДЕА СЛИКИ ФОРУМ АНКЕТА




ПОСЛЕДНИ НАЈЧИТАНИ




Аллах е восхитен од овчарот - кој по врвовите од планините, учи езан и клања намаз!!!
03.03.11



Својата сестра - Израдувај ја во Ислам.
26.02.11



Адаби на Исламското Братство.
23.02.11



Значење на "Сеопфатниот (Општ) Текфир" во зборовите од Научниците на оваа Дава Тевхид.



U sljedećem broju čitamo inšaAllah



Sljedeći broj će izaći inšaAllahu te ala u julu kao Ramazansko izdanje sa bogatim sadržajem o ovom mubarek mjesecu.

